

Մեծ քանակությամբ զորքեր են ստացվել ևս Բեյրութի Տոնիկյան հրատարակչությունից, Նյու-Յորքի համասերաստահայ վերաշինաց միությունից և հայկական բարեգործական ընդհանուր միությունից, Քեմբրիջի (ԱՄՆ) հայագիտական ուսումնասիրությունների ազգային ասոցիացիայից:

Հայկական ՍՍՀ գիտությունների ակադեմիայի նախագահության որոշման համաձայն մեր ակադեմիային նվիրաբերված անձնական գրադարանները ֆունդամենտալ գրադարանում պահվում են նվիրատուի անունով, որպես առանձին ֆոնդ:

Ֆրեզնոյից Լուիզ Նալբանդյանը 1965—1968 թթ. ուղարկել է 58 օրինակ հրատարակություններ բյուզանդագիտության և պատմության վերաբերյալ: Կահիրեից 1966 թ. ստացվեց Արշակ Ալպոյաճյանի անձնական գրադարանը, ընդհանուր 8029 օրինակ հայերեն և եվրոպական լեզուներով հայագիտական զորքեր և պարբերականներ: Հեղինակը իր մահից առաջ այդ գրադարանը կտակել էր ՀՍՍՀ ԳԱ ֆունդամենտալ գրադարանին: Նյու-Յորքից Մանուկ Քերզյանը 1967 թ. ուղարկել է 343 օրինակ 1912—1965 թթ. հրատարակություններ արվեստի ու գրականագիտության վերաբերյալ: Սոֆիայից Պետրոս Պոստանճյանը 1967 թ. ուղարկել է հայագիտությանը վերաբերող 2172 հայերեն զորքեր և պարբերականներ: Լոս-Անժելեսից Արսեն Ներսիսյանը 1968 թ. ուղարկել է անտիկ գրականությանը վերաբերող 5147 զորք՝ օտար լեզուներով: Բեյրութից Արամ Ալթունյանը 1969 թ. ուղարկել է օտար լեզուներով 206 բնագրական զորքեր:

Նվիրատվությամբ միմիայն 1969 թ. արտասահմանից ստացվել է ընդամենը 5426 զորք և հանդես:

Բացի վերահիշյալ ազդյուններից ակադեմիայի գրադարանները, սկսած 1945 թ., արտասահմանյան զորքեր, հանդեսներ և թերթեր են ձեռք բերում նաև ղեկավարների միջոցով: 1969 թ. այդ ճանապարհով ստացվել է 8405 գրադարանային միավոր արտասահմանյան հետևյալ հրատարակություններից. «Ակադեմիկ պրես» (Լոնդոն), «Պերդամոն պրես» (Նյու-Յորք և Լոնդոն), «Գոթիկիլար» (Փարիզ), «Էլզեի» (Ամստերդամ), «Սպրինգեր Ֆելաքս» (Բեռլին), «Մուրեն» (Փարիզ):

Միջգրադարանային կապերի ամրապնդման միջոցներից մեկն էլ հանդիսանում է արտասահմանյան հյուրերի ընդունումը, որի շնորհիվ նրանք ծանոթանում են ֆունդամենտալ գրադարանի զորքային հարստությանն ու ակադեմիայի հրատարակություններին և պայմանավորվում գրափոխանակության մասին: Վերջին տարիներս ֆունդամենտալ գրադարան հաճախել են արտասահմանյան շատ գիտնականներ Բուլղարիայի Ժողովրդական Հանրապետության գիտությունների ակադեմիայից, Կանադայի գիտական գրադարանների մի շարք ղեկավարներ, ԳՖՀ գիտնականներ (այդ թվում՝ նաև հայագետներ), Բելգիայի ժուռնալիստներ, արտասահմանի հայկական դպրոցների ուսուցիչներ, մի շարք հայտնի հայագետներ (հունգարացի Էդմունդ Շյուցը, ֆրանսիացի Ֆրեդերիկ Ֆելդին, իտալացի Զանկարլո Բուդենզին, Կալիֆորնիայի համալսարանի պրոֆ. Ռիչարդ Հովհաննիսյանը, Լոս-Անժելեսի համալսարանի պրոֆ. Ավետիս Սանճյանը, Քեմբրիջի հայագիտական ամերիկյան կենտրոնի ղեկավար Մանուկ Ենդը և այլն):

Գ. ՄԻՐՏՉՅԱՆ

ՍԱՆԱՀՆԻ ԳՐԱՏԱՆ ՀԱՅԵՐԵՆ ԶԵՌԱԳՐՆԵՐԻ ՀԱՎԱՔԱԾՈՒՆ

Հայոց թվականության ՆԻԱ (972) տարում «Սիմեան» զրիչը Սանահնի վանքի նորակերտ կամարների տակ ընդօրինակում է մեսրոպատառ առաջին մատյանը՝ Բարսեղ Կեսարացու «Կանոնգիրքը»¹: Այդ մատյանի ընդօրինակությամբ էլ սկսվում է վանքի, որպես զրչության կենտրոնի գործունեությունը, որը ընդհատումներով ձգվում է մինչև XVIII դարի վերջերս: Որ-

պես վարդապետանոց և զրչության արվեստի կենտրոն, Սանահնի վանքը ունեցել է նաև իր գրատունը, ձեռագիր մատյանների իր հարուստ հավաքածուն, որը, ինչպես մեր բոլոր հավաքածուները, ղերծ չի եղել ո՛չ թշնամական հորդանների ավարից ու ավերածությունից, և ո՛չ էլ յուրայինների անհողությունից: Թե ինչ ձեռագրեր է բովանդակել հավաքածուն և քանակական ինչ փոփոխություններ է կրել իր ավելի քան իննհարյուրամյա գոյության ընթացքում, դժվար է ասել, քանի որ չեն եղել կամ չեն պահպանվել:

¹ Ս. Զալալյան, Ճանապարհորդութիւն ի Մեծն Հայաստան, Տփղիս, 1842, էջ 42:

Համապատասխան ցանկեր ու ցուցակներ 1904 թ. այնտեղ մնացել էր ընդամենը 27 մատ-

ան: Երբ 1904 թ. Սանահնի վանքի վանահայր Գարեգին եպս. Սաթունյանցը նշանակվում է վրաստանի և Իմերեթիայի թեմի առաջնորդ, վանքի գրատանը գտնվող այդ 27 ձեռագրերը հատուկ ցուցակով առաքում է էջմիածին: Այդ առթիվ «Հուման» գրում է. «Ս. էջմիածնից մեկ հաղորդում են, որ Սանահնի վանքում գտնված քսանեյոթն հատ բովական կարևոր ձեռագրեր- ներ նույն վանքի նախկին վանահայր... Գարե- գին եպիսկոպոսի կարգադրությամբ ուղարկվել են վեհափառ կաթողիկոսին Ս. էջմիածնի մա- տենադարանում պահելու համար»²: 27 ձեռա- գրերի էջմիածին մուտք գործելու հանգամանքը հաստատում է նաև «Արարատ» ամսագիրը, ուր կարդում ենք. «Վրաստանի և Իմերեթի առաջ- նորդ Գեր. Տ. Գարեգին եպիսկոպոս Սաթունյա- նից ստացանք հետևյալ ձեռագրերները...»³: Ա- պա հաջորդում է առաքված 27 ձեռագրերի ցու- ցակը, որը ամենայն հավանականությամբ կազ- մել է Գարեգին եպս. Սաթունյանցը: Ահա այն. «Ցուցակ ձեռագիր մատենից Սանահնյ վանից».

ցուցակում 1—27 թվահամարների ներքո հա- մառոտակի արձանագրված են 1904 թ. սեպ- տեմբերի 1-ի դրությամբ Սանահնի վանքի գրա- տանը առկա բոլոր 27 ձեռագրերը՝ նշելով յու- րաբանչյուրի խորագիրը, գրանյութը, գրչության կամ վերանորոգության թվականը:

Այդ 27 ձեռագրերից 25-ը (№ 2, 4—27) ժամանակին (1904) մտել են «Գեորգյան» կոչ- վող հավաքածուի մեջ և այսօր գտնվում են Մաշտոցի անվան մատենադարանում (տե՛ս տախտակ Ա): Այդ առթիվ «Գեորգյան» հավա- քածուի գույքամատյանում նշում է կատարված.

² «Հումա», 1904, № 5, էջ 218:

³ «Արարատ», 1905, № 4, էջ 391:

Ա. համեմատական տախտակ Սանահնի գրատան ձեռագրերի հին և նոր թվահամարների (Հստ «Արարատ»-ի 1905 թ. ցուցակի)

«Արարատ» 1905	Մատենադարան		«Արարատ» 1905	Մատենադարան	
	«Գեորգյան»	այլի		«Գեորգյան»	այլի
1	—	9999	15	1135	3050
2	1129	3400	16	1143	3051
3	—	9319	17	1125	2839
4	1131	3701	18	1139	3566
5	1127	3700	19	1142	3354
6	1124	2838	20	1128	3565
7	1122	3048	21	1138	3612
8	1126	3049	22	1141	3353
9	1123	2837	23	1140	3352
10	1132	2745	24	1136	3611
11	1133	4435	25	1134	2660
12	1137	2840	26	1130	2659
13	1144	3401	27	1146	4548
14	1145	3402			

* * *

Բացի վերոհիշյալ 27 ձեռագրերից, Մաշտո- ցի անվան մատենադարանում առկա են ևս 7 ձեռագրեր (№ 2375, 2532, 2802, 3031, 3201, 4331 և 4465) որոնք պատկանել են Սանահնի նախկին գրատանը և որոնք այնտեղից դուրս եկած լինելով շատ ավելի վաղ, չեն մտել վերը նշված ցուցակի մեջ: Այդ 7 ձեռագրերից մեկը (№ 2375) Մատենադարան է մուտք գործել 1873 թ. Աղեքսանդր Երիցյանի միջոցով, մեկը (№ 2532)՝ 1888 թ. Աստրախանի հայոց երկսեռ ուսումնարանի հավաքածուի կազմում, չորսը (№ 2802, 3031, 3201, 4331)՝ 1890—1900 թթ. ընթացքում, իսկ վերջինը (№ 4465)՝ 1910—1915 թթ.:

Այսպիսով, Սանահնի նախկին գրատան ձե- ոագրերից այսօր Մաշտոցի անվան մատենադա- րանում են գտնվում 34-ը (27 + 7): Այդ 34 ձե- ոագրերից 8-ը, ըստ ձեռագրերի վրա եղած նշումների, հանված են Աջառաց այրից, այդ թվում վեցը (№ 2532, 2660, 2802, 3031, 3050, 3201)՝ 1797 թ. Հովսեփ Արղունյանի և Առաքել վարդապետի միջոցով, մեկը (№ 3352)՝ 1829 թ.՝ Հովհաննես քահանայի ձեռքով և մեկը (№ 2375)՝ 1873 թ. Աղեքսանդր Երիցյանի ջանքերով: Աջա- ոաց այրից հանված այս 8 ձեռագրերից մեկը (№ 2532) հետագայում մտել է Աստրախանի հայոց երկսեռ ուսումնարանի հավաքածուի մեջ (№ 57), իսկ մեկ ուրիշը (№ 3050)՝ ընկել է ոմն Ավետիս Եղիազարյանի ձեռքը, որն այն կրկին նվիրաբերել է Սանահնի վանքին: Զեռա-

զրերից մի քանիսի վրա եղած մակագրություններն ու նշումները ցույց են տալիս.

— N 4465 ձեռագիրը Հարություն արքեպս. Սանահնեցին տանելով Դանձակի Բարգմանչաց վանքը, նվիրել է նույն վանքի միաբան Գրիգոր վրդ. Տեր-Հովհաննիսյան Դանձակեցուն:

— N 3402 ձեռագիրը պատկանել է Քաղեոս Երվանդյանին, որն այն 1871 թ. նվիրաբերել է Սանահնի վանքին:

— N 3400 ձեռագիրը 1759 թ. Լդել և Ամստերդամի Ս. Հոգի Եկեղեցում, Այն 1793 թ. ստացել է Հովսեփ Արղուիսյանը և նվիրաբերել Սանահնի վանքին:

— N 4331 ձեռագիրը պատկանել է Վարդան Օձնեցուն և մինչև անցյալ դարի 70-ական թթ. Լդել է Սանահնում:

— N 9319 ձեռագիրը 1857—1878 թթ. Լդել է ախալքալսրցի Ստեփաննոս ավագ քչ. Դեմիրճոլյանի մոտ:

Ստորև տալիս ենք հիշատակված 34 ձեռագրերի հին և նոր թվահամարների հակադարձ համեմատական Բ տախտակը.

Բ. համեմատական տախտակ Սանահնի գրատան ձեռագրերի նոր և հին թվահամարների

Մատենադարան			Մատենադարան		
Հին	Վերանորոգված	Համար 1905	Հին	Վերանորոգված	Համար 1905
2375	—	—	3353	1141	22
2532	346	—	3354	1142	19
2659	1130	26	3400	1129	2
2660	1134	25	3401	1144	13
2745	1132	10	3402	1145	14
2802	738	—	3565	1128	20
2837	1123	9	3566	1139	18
2838	1124	6	3611	1136	24
2839	1125	17	3612	1138	21
2840	1137	12	3760	1127	5
3031	745	—	3701	1131	4
3048	1122	7	4331	1255	—
3049	1126	8	4435	1133	11
3050	1135	15	4465	—	—
3051	1143	16	4548	1146	27
3201	394	—	9319	—	3
3352	1140	23	9999	—	1

Ո. ԵԳԱՆՅԱՆ

ՆԵՈՒԹԻ ՆՈՐԱՀԱՅՏ ՀՈՒՇԱՐՁԱՆՆԵՐ ՆՈՅԵՄԲԵՐՅԱՆԻ ՇՐՋԱՆՈՒՄ

Նոյեմբերյանի շրջանում 1965—1968 թթ. հայտնաբերվել են նեոլիթյան մի շարք նյութեր, որոնք ոչ միայն հաստատում են նրա տեղիտուրիայում գոյություն ունեցող վաղ երկրագործական-անասնապահական տնտեսության սաղմնավորման փաստը, այլև օգնում են լրացնելու Հայաստանի նեոլիթյան շրջանի մշակույթի բնագծանոր պատկերը, մի քանի, որ դեռևս բավարարումնապիստության և հստակ բնութագրման չի ենթարկվել՝ ժամանակաշրջանի պեղածո մնացորդների ու արտադրության գործիքների սակավության պատճառով:

1968 թ. օգոստոսի վերջին Կոլքի դպրոցականներ Նասյի և Աշոտ Արտվանյանները Մշկավանքի մոտ գտան սեպածեղ և կացնանման քարե գործիքներ, որոնք իրենց ինքնատիպ ձևերով առաջինն էին Հայաստանում: Լրացուցիչ ստուգումների միջոցով մեզ հաջողվեց հայտնաբերել մի քանի գործիքներ ևս, այդ թվում մուրճիկներ, ուրագարների գործիքներ, քերիչներ, մշակված սրարերան թալաշներ, որոնք բացվել էին հեղեղատների հետևանքով: Հավաքածուի 25 իրից ոչ բոլորն են ավարտուն գործիքներ: Բոլոր գործիքները պատրաստված են կրաքարից և բաժանվում են հետևյալ տիպերի՝ մուրճեր, կա-

ցիներ, քերիչներ, սեպածեղ գործիքներ, ուրագներ և սկավառակաձև քերիչներ: Սրանց մեջ առանձնապես ուշադրավ են երկու մուրճերը, որոնցից փոքրը (տախ. I, նկ. 2) պատրաստված է սպիտակ կրաքարից, ունի 16 սմ երկարություն, կտր բռնակ՝ վրան տաշված ցուցամատի համար, իսկ մեծը (տախ. II, նկ. 1) պատրաստված է կարմրավուն կրաքարից: Նրա երկարությունը՝ 21, միջին հաստությունը՝ 3 սմ է: Գործիքի բռնակը, որի վրա մատնատեղեր են արված, ունի 10 սմ երկարություն և 4 սմ լայնություն: Հավաքածուի մեջ առավել հետաքրքրություն է ներկայացնում կացնանման գործիքը (տախ. I, նկ. 1), որը բանոց մասում ունի երկկողմանի սրվածք: Նրա երկարությունը մոտ 15, իսկ սայրի լայնությունը՝ 8 սմ է: Գործիքը, որը հավանաբար օգտագործվել է փայտե բռնակի միջոցով, բարակ կողմից հարմարեցված է փայտե կոթի ճեղքվածքը նստեցնելու և ամրացնելու համար: Կացնանման նեոլիթյան գործիքներ հանդիպում են Հասունայի, Ջարմոյի,

Гораон Чайлд, Древнейший Восток в свете новых раскопок, М., 1956, էջ 62—64, նկ. 8: